

阅读一至六年级国学经典诵读篇目精选，快快收藏！

国学是对继承和弘扬中华民族优秀传统文化传统，增强民族文化认同感，增强民族凝聚力和创造力，具有不可替代的作用。新课改对小学国学教育的标准又提出了新的要求，小朋友和家长们快快利用寒假学起来吧。

一年级：《三字经》节选

第一部分：育人篇

人之初，性本善，性相近，习相远。苟不教，性乃迁，教之道，贵以专。

昔孟母，择邻处，子不学，断机杼。窦燕山，有义方，教五子，名俱扬。

养不教，父之过，教不严，师之惰。子不学，非所宜，幼不学，老何为？

玉不琢，不成器，人不学，不知义。为人子，方少时，亲师友，习礼仪。

香九龄，能温席，孝于亲，所当执。融四岁，能让梨，弟于长，宜先知。

首孝悌，次见闻，知某数，识某文。一而十，十而百，百而千，千而万。

三才者，天地人，三光者，日月星。三纲者，君臣义，父子亲，夫妇顺。

曰春夏，曰秋冬，此四时，运不穷。曰南北，曰西东，此四方，应乎中。

曰水火，木金土，此五行，本乎数。十干者，甲至癸。十二支，子至亥。

曰黄道，日所躔。曰赤道，当中权。赤道下，温暖极。我中华，在东北。

曰江河，曰淮济。此四渎，水之纪。曰岱华，嵩恒衡。此五岳，山之名。

曰士农，曰工商。此四民，国之良。曰仁义，礼智信，此五常，不容紊。

地所生，有草木。此植物，遍水陆。有虫鱼，有鸟兽。此动物，能飞走。

稻粱菽，麦黍稷。此六谷，人所食。马牛羊，鸡犬豕。此六畜，人所饲。

曰喜怒，曰哀惧，爱恶欲，七情具。青赤黄，及白黑，此五色，目所识。

酸苦甘，及辛咸，此五味，口所含。膻焦香，及腥朽，此五臭，鼻所嗅。

匏土革，木石金，丝与竹，乃八音。曰平上，曰去入，此四声，宜调协。

高曾祖，父而身，身而子，子而孙。自子孙，至玄曾，乃九族，人之伦。

父子恩，夫妇从，兄则友，弟则恭；长幼序，友与朋，君则敬，臣则忠。

此十义，人所同，当顺叙，勿违背。斩齐衰，大小幼。至缌麻，五服终。

礼乐射，御书数，古六艺，今不具。唯书学，人共遵，既识字，讲说文。

有古文，大小篆，隶草继，不可乱。

若广学，惧其繁，但略说，能知源。凡训蒙，须讲究，详训诂，明句读。

为学者，必有初，小学终，至四书。论语者，二十篇，群弟子，记善言。

孟子者，七篇止，讲道德，说仁义。作中庸，子思笔，中不偏，庸不易。

作大学，乃曾子，自修齐，至平治。孝经通，四书熟，如六经，始可读。

诗书易，礼春秋，号六经，当讲究。有连山，有归藏，有周易，

三易详。

有典谟，有训诰，有誓命，书之奥。我周公，作周礼，著六官，存治体。

大小戴，注礼记，述圣言，礼乐备。曰国风，曰雅颂，号四诗，当讽咏。

诗既亡，春秋作，寓褒贬，别善恶。三传者，有公羊，有左氏，有谷梁。

经既明，方读子，撮其要，记其事。五子者，有荀扬，文中子，及老庄。

第二部分：历史篇

经子通，读诸史。考世系，知始终。

自羲农，至黄帝。号三皇，居上世。唐有虞，号二帝。相揖逊，称盛世。

夏有禹，商有汤。周武王，称三王。夏传子，家天下。四百载，迁夏社。

汤伐夏，国号商。六百载，至纣亡。周武王，始诛纣。八百载，最长久。

周辙东，王纲坠。逞干戈，尚游说。始春秋，终战国。五霸强，七雄出。

嬴秦氏，始兼并。传二世，楚汉争。高祖兴，汉业建。至孝平，王莽篡。

光武兴，为东汉。四百年，终于献。魏蜀吴，争汉鼎。号三国，迄两晋。

宋齐继，梁陈承。为南朝，都金陵。北元魏，分东西。宇文周，与高齐。

迨至隋，一土宇。不再传，失统绪。唐高祖，起义师。除隋乱，创国基。

二十传，三百载。梁灭之，国乃改。梁唐晋，及汉周。称五代，皆有由。

炎宋兴，受周禅。十八传，南北混。辽与金，皆称帝。元灭金，

绝宋世。

輿图广，超前代。九十年，国祚废。太祖兴，国大明。号洪武，都金陵。

迨成祖，迁燕京。十六世，至崇祯。权阉肆，寇如林。李闯出，神器焚。

清世祖，膺景命。靖四方，克大定。由康雍，历乾嘉。民安富，治绩夸。

道咸间，变乱起。始英法，扰都鄙。同光后，宣统弱。传九帝，满清歿。

革命兴，废帝制。立宪法，建民国。古今史，全在兹。载治乱，知兴衰。

史虽繁，读有次。史记一，汉书二。后汉三，国志四。兼证经，参通鉴。

读史者，考实录。通古今，若亲目。昔仲尼，师项橐。古圣贤，尚勤学。

赵中令，读鲁论。彼既仕，学且勤。披蒲编，削竹简。彼无书，且知勉。

头悬梁，锥刺股。彼不教，自勤苦。如囊萤，如映雪。家虽贫，学不辍。

如负薪，如挂角。身虽劳，犹苦卓。苏老泉，二十七。始发愤，读书籍。

彼既老，犹悔迟。尔小生，宜早思。若梁灏，八十二。对大廷，魁多士。

彼既成，众称异。尔小生，宜立志。莹八岁，能咏诗。泌七岁，能赋棋。

彼颖悟，人称奇。尔幼学，当效之。蔡文姬，能辩琴。谢道韞，能咏吟。

彼女子，且聪敏。尔男子，当自警。唐刘晏，方七岁。举神童，作正字。

口而诵，心而惟。朝于斯，夕于斯。

第三部分：勤学篇

昔仲尼，师项橐，古圣贤，尚勤学。

赵中令，读鲁论，彼既仕，学且勤。彼蒲编，削竹简，彼无书，且知勉。

头悬梁，锥刺股，彼不教，自勤苦。如囊萤，如映雪，家虽贫，学不辍。

如负薪，如挂角，身虽劳，犹苦卓。苏老泉，二十七，始发愤，读书籍。

彼既老，犹悔迟，尔小生，宜早思。若梁灏，八十二，对大廷，魁多士。

彼既成，众称异，尔小生，宜立志。莹八岁，能咏诗，泌七岁，能赋棋。

彼颖悟，人称奇，尔幼学，当效之。蔡文姬，能辨琴，谢道韞，能咏吟。

彼女子，且聪敏，尔男子，当自警。唐刘晏，方七岁，举神童，作正字。

彼虽幼，身已仕，尔幼学，勉而致。有为者，亦若是。

犬守夜，鸡司晨，苟不学，曷为人？蚕吐丝，蜂酿蜜，人不学，不如物。

幼而学，壮而行，上致君，下泽民。扬名声，显父母，光于前，裕于后。

人遗子，金满籝，我教子，惟一经。勤有功，戏无益，戒之哉，宜勉力。

二年级：《弟子规》节选

第一章 开宗明义

弟子规，圣人训，首孝弟，次谨信。泛爱众，而亲仁，有余力，则学文。

第二章 入则孝

父母呼，应勿缓，父母命，行勿懒。父母教，须敬听，父母责，须顺承。

冬则温，夏则清，晨则省，昏则定。出必告，反必面，居有常，业无变。

事虽小，勿擅为，苟擅为，子道亏。物虽小，勿私藏，苟私藏，亲心伤。

亲所好，力为具，亲所恶，谨为去。身有伤，贻亲忧，德有伤，贻亲羞。

亲爱我，孝何难，亲憎我，孝方贤。亲有过，谏使更，怡吾色，柔吾声。

谏不入，悦复谏，号泣随，挞无怨。亲有疾，药先尝，昼夜侍，不离床。

第三章 出则弟

兄道友，弟道恭，兄弟睦，孝在中。财物轻，怨何生，言语忍，忿自泯。

或饮食，或坐走，长者先，幼者后。长呼人，即代叫，人不在，己即到。

称尊长，勿呼名，对尊长，勿见能。路遇长，疾趋揖，长无言，退恭立。

骑下马，乘下车，过犹待，百步余。长者立，幼勿坐，长者坐，命乃坐。

尊长前，声要低，低不闻，却非宜。进必趋，退必迟，问起对，视勿移。

事诸父，如事父，事诸兄，如事兄。

第四章 谨

朝起早，夜眠迟，老易至，惜此时。晨必盥，兼漱口，便溺回，辄净手。

冠必正，纽必结，袜与履，俱紧切。置冠服，有定位，勿乱顿，致污秽。

衣贵洁，不贵华，上循分，下称家。对饮食，勿拣择，食适可，勿过则。

年方少，勿饮酒，饮酒醉，最为丑。步从容，立端正，揖深圆，

拜恭敬。

勿践阼，勿跛倚，勿箕踞，勿摇髀。缓揭帘，勿有声，宽转弯，勿触棱。

执虚器，如执盈，入虚室，如有人。事勿忙，忙多错，勿畏难，勿轻略。

斗闹场，绝勿近，邪僻事，绝勿问。将入门，问孰存，将上堂，声必扬。

人问谁，对以名，吾与我，不分明。用人物，须明求，倘不问，即为偷。

借人物，及时还，人借物，有勿悭。

第五章 信

凡出言，信为先，诈与妄，奚可焉。话说多，不如少，惟其是，勿佞巧。

奸巧语，秽污词，市井气，切戒之。见未真，勿轻言，知未的，勿轻传。

事非宜，勿轻诺，苟轻诺，进退错。凡道字，重且舒，勿急疾，勿模糊。

彼说长，此说短，不关己，莫闲管。见人善，即思齐，纵去远，以渐跻。

见人恶，即内省，有则改，无加警。唯德学，唯才艺，不如人，当自砺。

若衣服，若饮食，不如人，勿生戚。闻过怒，闻誉乐，损友来，益友却。

闻誉恐，闻过欣，直谅士，渐相亲。无心非，名为错，有心非，名为恶。

过能改，归于无，倘掩饰，增一辜。

第八章 余力学文

不力行，但学文，长浮华，成何人。但力行，不学文，任己见，昧理真。

读书法，有三到，心眼口，信皆要。方读此，勿慕彼，此未终，

彼勿起。

宽为限，紧用功，工夫到，滞塞通。心有疑，随札记，就人问，求确义。

房室清，墙壁净，几案洁，笔砚正。墨磨偏，心不端，字不敬，心先病。

列典籍，有定处，读看毕，还原处。虽有急，卷束齐，有缺坏，就补之。

非圣书，屏勿视，蔽聪明，坏心志。勿自暴，勿自弃，圣与贤，可驯致。

三年级：《笠翁对韵》节选

一东·其一

天对地 雨对风 大陆对长空 山花对海树 赤日对苍穹

雷隐隐、雾濛濛 日下对天中

风高秋月白、雨霁晚霞红 牛女二星河左右、参商两曜斗西东

十月塞边 飒飒寒霜惊戍旅 三东江上 漫漫朔雪冷渔翁

二冬·其一

晨对午 夏对冬 下饷对高舂 青春对白昼 古柏对苍松

垂钓客、荷锄翁 仙鹤对神龙

凤冠球闪烁、螭带玉玲珑 三元及第才千顷、一品当朝禄万钟

花萼楼间 仙李盘根调国派 沉香亭畔 娇杨擅宠起边风

三江·其一

奇对偶 只对双 大海对长江 金盘对玉盏 宝烛对银缸

朱漆槛、碧纱窗 舞调对歌腔 兴汉推马武、谏夏著龙逢

四收列国群王伏、三筑高城众敌降

跨凤登台 潇洒仙姬秦弄玉 斩蛇当道 英雄天子汉刘邦

四支·其一

泉对石 干对枝 吹竹对弹丝 山亭对水榭 鹦鹉对鸂鶒

五色笔、十香词 泼墨对传卮 神奇韩干画、雄浑李陵诗

几处花街新夺锦、有人香径淡凝脂

万里烽烟 战士边头争保塞 一犁膏雨 农夫村外尽乘时

五微·其一

贤对圣 是对非 觉奥对参微 鱼书对雁字 草舍对柴扉
鸡晓唱、雉朝飞 红瘦对绿肥
举杯邀月饮、骑马踏花归 黄盖能成赤壁捷、陈平善解白登危
太白书堂 瀑泉垂地三千丈 孔明祀庙 老柏参天四十围

六鱼·其一

羹对饭 柳对榆 短笛对长裾 鸡冠对凤尾 芍药对芙蕖
周有若、汉相如 王屋对匡庐 月明山寺远、风细水亭虚
壮士腰间三尺剑、男儿腹内五车书
疏影暗香 和靖孤山梅蕊放 轻阴清昼 渊明旧宅柳条舒

七虞·其一

红对白 有对无 布谷对提壶 毛锥对羽扇 天阙对皇都
谢蝴蝶、郑鹧鸪 蹈海对归湖 花肥春雨润、竹瘦晚风疏
麦饭豆糜终创汉、莼羹鲈脍竟归吴
琴调轻弹 杨柳月中潜去听 酒旗斜挂 杏花村里共来沽

八齐·其一

鸾对凤 犬对鸡 塞北对关西 长生对益智 老幼对旄倪
颁竹策、剪桐圭 剥枣对蒸梨 绵腰如弱柳、嫩手似柔荑
狡兔能穿三穴隐、鹪鹩权借一枝栖
角里先生 策杖垂绅扶少主 于陵仲子 辟纁织履赖贤妻

九佳·其一

门对户 陌对街 枝叶对根荑 斗鸡对挥尘 风髻对鸾钗
登楚岫、渡秦淮 子犯对夫差 石鼎龙头缩、银针雁翅排
百年诗礼延余庆、万里风云入壮怀
能辨名伦 死倚野哉悲季路 不由经靴 生乎愚也有高柴

十灰·其一

春对夏 喜对哀 大手对长才 风清对月朗 地阔对天开
游阆苑、醉蓬莱 七政对三台 青龙壶老杖、白燕玉人钗
香风十里望仙阁 明月一天思子台
玉橘冰桃 王母几因求道降 蓬舟藜杖 真人原为读书来

四年级：《增广贤文》节选

上集

昔时贤文，诲汝谆谆。集韵增广，多见多闻。观今宜鉴古，无古不成今。

知己知彼，将心比心。酒逢知己饮，诗向会人吟。相逢好似初相识，到老终无怨恨心。

近水知鱼性，近山识鸟音。读书须用意，一字值千金。

有意栽花花不发，无心插柳柳成荫。钱财如粪土，仁义值千金。

流水下滩非有意，白云出岫本无心。路遥知马力，事久见人心。

两人一般心，无钱堪买金；一人一般心，有钱难买针。美不美，乡中水；亲不亲，故乡人。莺花犹怕春光老，岂可教人枉度春？

在家不会迎宾客，出路方知少主人。客来主不顾，自是无良宾。良宾方不顾，应恐是痴人。贫居闹市无人问，富在深山有远亲。长江后浪推前浪，世上新人赶旧人。

近水楼台先得月，向阳花木早逢春。古人不见今时月，今月曾经照古人。

莫道君行早，更有早行人。

一年之计在于春，一日之计在于晨。一家之计在于和，一生之计在于勤。

责人之心责己，恕己之心恕人。远水难救近火，远亲不如近邻。

平生莫做皱眉事，世上应无切齿人。士者国之宝，儒为席上珍。

求人须求大丈夫，济人须济急时无。渴时一滴如甘露，醉后添杯不如无。

积金千两，不如明解经书。同君一席话，胜读十年书。救人一命，胜造七级浮屠。

城门失火，殃及池鱼。水太清则无鱼，人太察则无谋。是非终日有，不听自然无。

宁可正而不足，不可邪而有余。宁可信其有，不可信其无。

知足常足，终身不辱；知止常止，终身不耻。差之毫厘，失之千里。

若登高必自卑，若涉远必自迓。三思而行，再思可矣。

使口不如自走，求人不如求己。墙有缝，壁有耳。好事不出门，恶事传千里。

若要人不知，除非己莫为。为人不做亏心事，半夜敲门心不惊。

宁可直中取，不可曲中求。人无远虑，必有近忧。是非只为多开口，烦恼皆因强出头。

忍得一时之气，免得百日之忧。黑发不知勤学早，转眼便是白头翁。

善恶到头终有报，只争来早与来迟。得宠思辱，居安思危。

送君千里，终有一别。善事可做，恶事莫为。许人一物，千金不移。

常将有日思无日，莫把无时当有时。树欲静而风不止，子欲养而亲不待。

好言难得，恶语易施。一言既出，驷马难追。

三人同行，必有我师焉。择其善者而从之，其不善者而改之。

少壮不努力，老大徒伤悲。人有善愿，天必佑之。种麻得麻，种豆得豆。

天网恢恢，疏而不漏。螳螂捕蝉，岂知黄雀在后？伤人一语，利如刀割。

枯木逢春犹再发，人无两度再少年。未晚先投宿，鸡鸣早看天。为学始知道，不学亦枉然。善有善报，恶有恶报，不是不报，时候未到。人而无信，不须礼之。一人道好，千人传之。若要凡事好，须先问三老。君子爱财，取之有道。学者是好，不学不好。

强中更有强中手，恶人须用恶人磨。光阴似箭，日月如梭。天时不如地利，地利不如人和。羊有跪乳之恩，鸦有反哺之情。隐恶扬善，执其两端。妻贤夫祸少，子孝父心宽。

人生知足时常足，人老偷闲且是闲。用心计较般般错，退后思量事事宽。

由俭入奢易，从奢入俭难。书到用时方恨少，事非经过不知难。明知山有虎，莫向虎山行。路不行不到，事不为不成。牡丹花好空入

目，枣花虽小结实多。

得忍且忍，得耐且耐，不忍不耐，小事成灾。人无千日好，花无百日红。

屋漏又遭连夜雨，行船偏遇打头风。良药苦口利于病，忠言逆耳利于行。

有缘千里来相会，无缘对面不相逢。人生只会量人短，何不回头把自量？

见善如不及，见恶如探汤。凡人不可貌相，海水不可斗量。一人传虚，百人传实。

万金良药，不如无疾。千经万典，孝义为先。一毫之恶，劝人莫作。一毫之善，与人方便。人各有心，心各有见。口说不如身逢，耳闻不如目见。养兵千日，用在一时。

以直报怨，知恩报恩。父子和而家不退，兄弟和而家不分。

愚者千虑，必有一得，智者千虑，必有一失。夕阳无限好，只恐不多时。

久旱逢甘霖，他乡遇故知。教子教孙须教义，栽桑栽柘少栽花。

根深不怕树摇动，树正不愁月影斜。奉劝君子，各宜守己。只此呈示，万无一失。

下集

前人俗语，言浅理深。补遗增广，集成书文。世上无难事，只怕不专心。

成人不自在，自在不成人；勤俭为无价之宝，节粮乃众妙之门。

善为至宝深深用，心作良田世世耕。人过留名，雁过留声。择子莫择父，择亲莫择邻。

事从根起，藕叶连心。岂能尽如人意？但求不愧吾心。

瓜熟蒂落，水到渠成。怕事忍事不生事自然无事；平心静心不欺心何等放心！

好话不在多说，有理不在高声！在一行，练一行；穷莫失志，富莫癫狂。

隔行莫贪利，久炼必成钢。晴带雨伞，饱带饥粮。人争一口气，

以上内容仅为本文档的试下载部分，为可阅读页数的一半内容。如要下载或阅读全文，请访问：<https://d.book118.com/126242054155011011>